



REPUBLIKA E SHQIPËRISË
Kuvendi

PROJEKTLIGJ

Nr. _____/2023

PËR

**DISA SHTESA DHE NDRYSHIME NË LIGJIN NR. 9270, DATË
29.7.2004, "PËR SISTEMIN E ADRESAVE", TË NDRYSHUAR**

Në mbështetje të neneve 78 dhe 83, pika 1, të Kushtetutës, me propozimin e Këshillit të Ministrave,

KUVENDI
I REPUBLIKËS SË SHQIPËRISË,

V E N D O S I:

Në ligjin nr. 9270, datë 29.7.2004, "Për sistemin e adresave", të ndryshuar, bëhen këto shtesa dhe ndryshime:

Neni 1

Në nenin 1, bëhen këto shtesa dhe ndryshime:

1. Ky nen emërtohet me titullin:
"Qëllimi";
2. Në nenin 1, togfjalëshi "së njëjtës njësi të vetëqeverisjes vendore", zëvendësohet me togfjalëshin "juridiksionit të bashkisë" dhe në fund të fjalisë shtohet togfjalëshi: "të integruar në Regjistrin Kombëtar të Adresave (RKA)".
3. Kudo në ligj togfjalëshi "së njëjtës njësi të vetëqeverisjes vendore", zëvendësohet me togfjalëshin "juridiksionit të bashkisë".

Neni 2

Në nenin 1/1, bëhen këto shtesa dhe ndryshime:

1. Ky nen emërtohet me titullin:

“Përkufizime”;

2. Në pikën 1, pas fjalës “adresa”, shtohet togfjalëshi “është një seri informacioni i standardizuar që” dhe hiqet togfjalëshi “dhe shenja ortografike”.

3. Në pikën 2, në fillim të fjalisë shtohet togfjalëshi “zonë e qarkullimit civil është”.

4. Në nenin 1/1, shfuqizohet pika 3.

5. Pika 4 ndryshon si vijon:

“Regjistri Kombëtar i Adresave”, në vijim RKA, është baza e vetme e të dhënave shtetërore, në të cilin regjistrohen dhe përditësohen të dhënat për adresën, sipas elementëve të saj, për çdo ndërtesë, apartament dhe truall të lirë.”

6. Pas pikës 4, shtohen pikat 5, 6, 7 dhe 8, me këtë përmbajtje:

“5. “Tabela e emërimit” është treguesi fizik i emërimit të zonës së qarkullimit civil”.

“6. “Tabela e numërimit” është treguesi fizik i numërimit të brendshëm dhe të jashtëm të ndërtesës në zonën e qarkullimit civil”.

“7. “Kodi unik”, është një vlerë unike, që përkon me elementët përbërës së adresës”.

“8. “Pika e interesit (PI)”, është një adresë me interes në ofrimin e shërbimeve publike”.

Neni 3

“Në nenin 2, bëhen këto shtesa dhe ndryshime:

1. Ky nen emërtohet me titullin:

“Elementët e adresës”;

2. Në pikën 1, pas fjalës “vendndodhjen”, shtohet togfjalëshi “në terren”.

3. Në shkronjën d), të pikës 1, hiqet togfjalëshi “bulevardit/rrugës/rrugicës/parkut ose sheshit”.

4. Pas pikës 2, shtohet pika 3, si më poshtë, vijon:

“3. Algoritmi dhe struktura e kodit unik të adresës përcaktohen me vendim të Këshillit të Ministrave”.

Neni 4

“Në nenin 4/1, bëhen këto shtesa dhe ndryshime:

1. Ky nen emërtohet me titullin:

“Krijimi dhe administrimi i RKA-së”.

2. Në nenin 4/1 shfuqizohen pikat 1 dhe 3.

3. Pas nenit 4/1, shtohet nenet 4/2 dhe 4/3 me këtë përmbajtje:

Neni 4/2

Përmbajtja dhe aksesi në RKA

1. RKA përbëhet nga të dhëna parësore dhe dytësore.

Të dhëna parësore janë:

- a. Elementët përbërës të adresës:
- i) emri i bashkisë ku ndodhet ndërtesa;
 - ii) emri i njësisë administrative ku ndodhet ndërtesa;
 - iii) emri i qytetit ose fshatit ku ndodhet ndërtesa;
 - iv) emri i bulevardit/rrugës/rrugicës/sheshit ose parkut ku ka daljen ndërtesa dhe përcaktohet vetëm me njërin nga elementet e mësipërm;
 - v) numri rendor i ndërtesës;
 - vi) numri i hyrjes, që shërben për identifikimin e hyrjes në të njëjtën ndërtesë;
 - vii) numri i apartamentit;
 - viii) kodi postar;
- b. gjurma gjeohapësinore:
- i) kufinj të administrativë të bashkisë;
 - ii) kufinj të administrativë të njësisë administrative;
 - iii) kufinj të administrativë të qytet/fshatrave;
 - iv) segmentet rrugore;
 - v) gjurmët e ndërtesave;
 - vi) gjurmët e hyrjeve;
 - vii) koordinatat gjeografike, gjatësi dhe gjerësi, për çdo gjurmë;
- c. kodi unik i adresës.

Të dhëna dytësore janë:

- a. ortofoto
2. RKA përmban informacion mbi Pikat e Interesit për çdo bashki.
 3. Struktura përgjegjëse për planifikimin e territorit në bashki përditëson RKA-në.
 - 3/1. Kudo në ligj togfjalëshi “seksionet/zyrat e urbanistikës”, zëvendësohet me togfjalëshin “struktura përgjegjëse për planifikimin e territorit”.
 4. RKA aksesohet lirisht nga çdo person, në faqen zyrtare të RKA-së.

Neni 4/3

Vënia në dispozicion e të dhënave të RKA-së

1. Të dhënat e RKA-së u vihen në dispozicion subjekteve të interesuar me autorizim të Drejtorit të Përgjithshëm të Gjendjes Civile.
2. Tarifat për ofrimin e të dhënave të RKA-së miratohen me vendim të Këshillit të Ministrave”.

Neni 5

Në titullin e Kreut II, hiqet fjala “adresës”.

Neni 6

Në titullin e Kreut III, hiqet fjala “adresës”.

Neni 7

Në nenin 25, shtohet fjalia me këtë përmbajtje: “Në bashkitë ku identifikohen pakica kombëtare, emërtimi i pjesëve të territorit publik bëhet edhe në gjuhën e pakicës”.

Neni 8

“Pas nenit 25, shtohen nenet 25/1, 25/2 dhe 25/3 me këtë përmbajtje:

Neni 25/1

Procesi i emërtimit

1. Bashkia vendos tabelat e emërtimit për zonën e qarkullimit civil brenda 90 (nëntëdhjetë) ditëve nga miratimi i këtij ligji, sipas adresës në RKA.
2. Struktura përgjegjëse për planifikimin e territorit në bashki identifikon zonat e qarkullimit civil të paemërtuara.
3. Bashkia raporton ecurinë e procesit të emërtimit në Drejtorinë e Përgjithshme të Gjendjes Civile.

Neni 25/2

Procesi i numërtimit

1. Bashkia kontrollon mbarëvajtjen e procesit të vendosjes së tabelave të numërtimit fizik të ndërtesave, të hyrjeve dhe apartamenteve, sipas adresës në RKA.
2. Pronari i banesës vendos tabelën e numërtimit brenda brenda 90 (nëntëdhjetë) ditëve nga miratimi i rregullave për vendosjen e tabelës së numërtimit, sipas adresës në RKA.
3. Struktura përgjegjëse për planifikimin e territorit në bashki identifikon ndërtesat, hyrjet dhe apartamentet e panumërtuara në RKA dhe terren dhe i numërton në RKA dhe terren brenda 90 (nëntëdhjetë) ditëve nga miratimi i këtij ligji.
4. Bashkia raporton ecurinë e procesit të numërtimit në Drejtorinë e Përgjithshme të Gjendjes Civile.

Neni 25/3

Sanksioni për procesin e emërtimit dhe numërtimit

1. Drejtori i Përgjithshëm i Gjendjes Civile vendos masë administrative në vlerën 100 000 (njëqind mijë) lekë, për kryetarin e bashkisë, në të cilën rezultojnë pjesë të territorit publik të paemërtuara ose të panumërtuara në RKA, apo në terren me tabelat përkatëse.
2. Sanksioni, i cili përbën titull ekzekutiv zbatohet për çdo pjesë të territorit publik të paemërtuar apo panumërtuar sipas të gjithë elementëve të adresës”.

Neni 9

Ky nen emërtohet me titullin:

“Shpenzimet për procesin e emërimit dhe numërimit”;
Në nenin 28, shtohet paragrafi i dytë me këtë përmbajtje:
“Shpenzimet për tabelat e numërtimeve përballohen nga pronari i ndërtesës.
Rregullat për vendosjen e tabelës së numërimit përcaktohen me vendim të
Këshillit të Ministrave”.

Neni 10

Neni 29 shfuqizohet.

Neni 11

Neni 32 shfuqizohet.

Neni 12

Neni 33 shfuqizohet.

Neni 13

Në nenin 33/1, pas pikës 2 shtohet pika 3, me këtë përmbajtje:

1. “Ngarkohet Këshilli i Ministrave të nxjerrë vendim në zbatim të pikës 4, të nenit 3 të këtij projektligji”.
2. “Ngarkohet Këshilli i Ministrave të nxjerrë vendim në zbatim të pikës 2, të nenit 4/3 të këtij projektligji”.
3. “Ngarkohet Këshilli i Ministrave të nxjerrë vendim në zbatim të paragrafit të 2, të nenit 9 të këtij projektligji”.

Neni 14

Ky ligj hyn në fuqi 15 ditë pas botimit në Fletoren Zyrtare.

KRYETARI

Lindita Nikolla